



SULEQATIGIISITSISUT
SAMARBEJDSPARTIET

15. oktober 2018

UKA2018/79

Naqqiut

Naqqiutip siusinnerusukkut nassiussimasaq taarserpaa.

Naqqiummi naaqqiissutaavoq danskisuuani kalaallisuanilu ataatsimiinnermut sorlermut tunngavilernera. Danskisuuani allaqqavoq EM, kalaallisuuani kukkusumik allaqqasoq UPA, eqqortoq tassaavoq UKA.

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kingusinnerpaamik UKA 2019-mi aningaasarsiaqartitaanermut inatsisip allanngortinnissaanut siunnersuusioqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, tassani aalajangersarneqassalluni, Inatsisartunut ilaasortat Folketingimi ilaasortaasut imaluunniit aamma kommunalbestyrelsimi ilaasortaasut aningaasarsiaat appartinneqartassasut tassani atorfimmik aappaani aningaasarsiaasa amerlaqataannik aamma taamannak ilanngaassisoqartassasoq borgmesteritut, borgmesterilluunniit tullersortaasut atorfik eqqarsaatigalugu.

Inatsit atortussanngortinneqassaaq tulliani Inatsisartunut qinersisoqarneraniit.

(Inatsisartunut ilaasortaq Tillie Martinussen, Suleqatigiissitsisut)

Tunngavilersuut:

Inatsisartuni ilaasortat pingajorarterutaannik amerlanerusut ullumikkut aamma kommunalbestyrelsimi ilaasortaapput. Ataaseq aamma Folketingimi ilaasortaavoq. Borgmesterinik ilaasortaaqateqanngikkallarpugut kisianni siornatigut Inatsisartuni akornatsinniittarnikuupput.

EM 2018/79

J.nr. 01.25.01/18EM-LABU-00079

Oqaaseq "marlunnik ilaasortaaffilik" allaguk qarasaasiami inuit naapittarfiini taava ingerlaannaq oqallinersuaqalissaq:

Naalakkat arlallit ataatsikkut kiffartuunneqarsinnaappat? Soqutigisat aporaattuulersinnaappat? Aamma minnerunngitsumik: Atorfiit marluk atorfigineqarsinnaappat minnerpaamik arlaat sumiginnarnagu? Folketingimi, Inatsisartuni kommunerujussuarnilu sulineq akisussaaffitta qarpoq angisoorsuarmik aamma piomasaaqatitaqaaq. Suliassarpassuaqarpoq. Qinersisartunut iluaqutaassava, qinigartik suliaminik annikilliliisimappat allamik atorfittaaqqissimaneq pissutigalugu?

Qularnanngilaq inoqassaqqooqaaq arlalinnik atorfeqartunik sulillaarsinnaasunik, tunniusimasinnaasunillu suliaminillu peqqissaarlutik suliaqarsinnaasunik. Inuit, nukissallit piomassusillillu sapaatip akunneranut akunnerni 60-niik 80-nut sulisinnaasut suliluunniit sivilunerusumik. Inuit taamaattut ataqqeqaakka aamma siunnersuuteqarnikkut mattussiniarsarinngilanga atorfinnik arlalinnik isumaginninnissaminut sapinngitsunik.

Kisianni innuttaasut politikerinik akissarsiaqartitsisut piomasaraat politikerit qinikkatik tamaviaarlutik tunniusimallutillu sulissasut. Ima amerlatigisunik atorfeqassanngitsut eqiasuillutik, peqqissaarlutik tunniusimallutillu allaat sulisinnaanatik - suli amerlanerusunik akissarsiaqarnissaq piinnarlugu.

Ullumikkut "politikkimik napaniuteqartutut" kiisalu akissarsiassanik ajunngitsorsiassanillu malersuisutut arlalissuarnik isumaqarfigineqarpugut. Taamatut pisuutinneqarneq nuanninngilaq aamma arlaliulluta tamanna naapertuilluannngitsutut isumaqarfigunarpurput. Kisianni arlaannattaluunniit qularutigissanngilaa, marlunnik qinigaaffeqartarneq pissutaasarmat innuttaasut politikerinik qattussilluinnarannut.

Periarfissaajunnaarsittuugutsigu Inatsisartuni ilaasortat allanik atorfeqarnermikkut akissarsiaminik amerlisaasarnissaat, taava innuttaasut isumaqartalissagaluarput aningaasat piinnarlugit arlalinnik atorfeqartoqanngitsoq kisiannili innuttaasut kiffartuussinerusunneq pisuusoq. Aamma taamaattumik taakku piareersimasut piomasaaqatigineqartutut, atorfitik tamaasa tamakkiisumik isumagissallugit aamma qinersisartut nunartillu sullikkumallugit.

Inuiaqatigiinni kikkut tamat oqartussaaqataanerisa aqqani sullivinnut innuttaasut ataqqinninnerulissagaluarpur aamma imaassinnaavoq: politikerit suliaannut. Ilatsinnut kingunerissavaa ataasiinnarmik akissarsiaqalernissaq. Aningussajunnarsivarpur - Inatsisartutummi akissarsiaqartinneqarpugut atorfiup tamakkiisumik atorfiunera pissutigalugu angissusilerneqarsimasunik.

Tamakkiisumik atorfik? Immaqa illersorneqarsinnaavoq. Kisianni kialluunniit illersorsinnaangilaa affaannarmik sulisarluni tamakkiisumik akissarsiaqarnissaq.

Qilanaarpunga partiit allat siunnersuummut isummersuutissaannut neriutugalulugu pitsaasumik kusanartumillu oqallikkumaartugut.

Pisortanut aningaasatigut allaffissornikkullu kingunerisassai:

Siunnersuut piviusunngortinniarlugu inatsisissamut siunnersuusiortoqartariaqassaaq. Allaffissornermut nukiit atorneqartussatut, nutserinissaq, tusarniaanissaq aamma inatsisip oqaasertaanik misissuinissaq ilanngullugit naatsorsuutigaarpur inuup ataatsip ukiup affaani suliarinninnissaanit sivisunerunaviangitsut.

Tulliani Inatsisartunut qinersereerseq aallarnerfigalugu siunnersuut Landskarsimut sipaarutaasinnaavoq. Sipaarutissat angissusissaannut apeqqutaavoq ilaasortat qassit Inatsisartuutigalutik aamma kommunalbestyrelsinut Folketingimullu ilaasortaannersut.

Massakkorpiaq pineqarpur Inatsisartuni ilaasortat aqqaneq-marluk. Siunnersuutilli piviusunngortinnerata kingorna marloqiusamik atorfeqartartut ikilisinneqarsinnaassappur.

Siunnersuut pissutaalluni Inatsisartut akissarsiaannik suliaqarnermut atatillugu allaffissornikkut nukiit annertunerulertussatut isikkoqangillat.

Namminersortunut aningaasaatigut allaffissornikkullu kingunerisassai:

Soqanngilaq

Innuttaasunut aningaasatigut allaffissornikkullu kingunerisassai:

Soqanngilaq